



MEDIA STATEMENT FIRST KICK OFF LIGA WANITA NASIONAL 2025

LIGA WANITA NASIONAL 2025 DILANCARKAN: GAP.MY & LWN BERSATU PECAH SILING KACA SUKAN WANITA MALAYSIA

JITRA, Kedah (12 JULAI 2025) – Liga Wanita Nasional (LWN), liga bola sepak wanita utama di Malaysia, kembali untuk musim keempat dari Julai hingga Disember 2025. Sejak ia ditubuhkan, LWN telah menjadi platform terkemuka dalam mencungkil bakat wanita dalam bola sepak serta memperluas keberadaan dan penyertaan wanita dalam arena sukan tanah air.

Musim ini menampilkan lapan pasukan elit Kelana United FC, Sabah FA, Selangor FC, Kuala Lumpur FA, KL Rangers FC, Young Tigress, Red Eagles Soccer Club, dan MBSJ FC yang mewakili kekuatan, dedikasi, dan semangat juang atlet wanita dari seluruh negara.

Gabungan Strategik Demi Pemeraksanaan

Musim ini membawa satu langkah berani ke hadapan dengan penekanan khas terhadap impak berasaskan advokasi. Usaha strategik antara LWN 2025 dan Pertubuhan Generasi Aspirasi Pemimpin Wanita Malaysia (GAP.MY) akan memberi tumpuan kepada memecahkan halangan struktur dan memperkasa wanita dalam keseluruhan ekosistem sukan negara.

Pembangunan Menyeluruh & Keterlihatan Wanita

Sebagai Rakan Advokasi dan Pemeraksanaan Rasmi untuk Musim Keempat LWN, GAP.MY akan memainkan peranan penting dalam mengangkat suara, pengalaman dan kepimpinan wanita dalam dunia sukan. Pada masa yang sama, GAP.MY berusaha mewujudkan persekitaran yang menyokong pembangunan peribadi dan profesional wanita sukan.

Fokus advokasi GAP.MY adalah untuk memperjuangkan peluang saksama, perwakilan yang adil dan pengiktirafan yang setara buat atlet wanita serta tenaga profesional dalam landskap sukan Malaysia. Ini termasuk menyarankan penambahbaikan infrastruktur, akses kepada sumber dan dasar yang lebih menyokong pembangunan wanita dalam bidang ini.

Tumpuan Inisiatif GAP.MY:

- ♦ **Reformasi Dasar**

Memperjuangkan dasar yang inklusif dan progresif agar wanita dan kanak-kanak perempuan memperoleh akses setara kepada pembiayaan, infrastruktur serta peranan kepimpinan dalam bola sepak Malaysia.

- ♦ **Tadbir Urus Sensitif Gender**

Meningkatkan penyertaan wanita dalam ruang membuat keputusan dalam organisasi sukan dan memastikan mereka bukan sekadar peserta, tetapi juga pemimpin yang membentuk masa depan bola sepak negara.

- ♦ **Kesedaran & Libat Urus Awam**

Mengangkat wacana umum mengenai cabaran yang dihadapi wanita dalam sukan, terutamanya bola sepak, termasuk pelaburan yang rendah, bias budaya dan kekurangan sokongan institusi.

- ♦ **Laluan Kepimpinan & Kerjaya**

Menonjolkan bola sepak sebagai laluan kerjaya dan kepimpinan untuk wanita serta mendesak agar wujud struktur sokongan jangka panjang untuk atlet, jurulatih, pengadil dan pentadbir wanita.

Bola Sepak Sebagai Pemacu Perubahan

GAP.MY percaya bahawa pemeraksanaan wanita dalam sukan, khususnya bola sepak, mesti melangkaui sekadar penyertaan. Ia harus merangkumi pengiktirafan menyeluruh, sokongan yang setara dan akauntabiliti institusi. Kerjasama dengan LWN ini adalah satu usaha penting dan tepat pada masanya untuk mengubah persepsi, membuka lebih banyak peluang, dan memperkukuh asas kepada ekosistem sukan yang lebih inklusif.

Inisiatif ini juga selari dengan matlamat negara dalam mencapai kesaksamaan gender serta menyokong kerangka antarabangsa seperti Matlamat Pembangunan Mampan Pertubuhan Bangsa-Bangsa Bersatu (SDG 5): Mencapai kesamarataan gender dan memperkasa semua wanita dan kanak-kanak perempuan.

Gerakan Yang Sedang Bergerak

Musim keempat LWN merupakan seruan tindakan kepada semua pihak peminat, pembuat dasar, pendidik, media dan keluarga untuk berdiri teguh menyokong wanita dalam bola sepak. Kesaksamaan dalam sukan bukan lagi cita-cita masa depan, tetapi satu tanggungjawab bersama yang harus dilaksanakan segera.

Masa depan bola sepak adalah inklusif. Masa untuk bertindak adalah sekarang.